

崑新兩縣續補合志卷十三

隱逸

鍾璐字少梧世居蓬閩鄉南徐莊村幼承庭訓稟性聰穎年十四補博士弟子員旋食餼屢薦於鄉不售性喜飲晚年益放于酒每入市不醉不歸家距市五六里步行往來未嘗乘舟夏不葛冬不裘終身不衣帛視門弟子如賓客路遇溫顏慰問里人執經問字恆爲之講解不倦子弟或無禮於親戚儕輩者必訶斥其父兄之失教莊言溫貌時雜詼諧里中羣句咸呼先生知先生好酒時釀酒肉邀之飲輒欣然就之一日有偷兒鑿書室壁璐聞聲啟旁舍門出襲之偷兒不及逸璐語之曰我家

崑新兩縣續補合志

卷十三

隱逸

一

貧室中惟書數卷硯一方筆數枝若得之亦無用今適有青蚨三百以償汝一鑿之勞苦可攜之去偷兒銜感他日自市上歸醉甚天已昏黑中途顛卧水濱不能自起獨語喃喃適偷兒過其側聞之曰聲何似鍾老先生卽而視之果然遂負送還家邑令金吳瀾慕先生名屢欲任先生以東鄉總董事先生終謝之卒年五十有九無子

錢邦彥字晉孚萊溪之西顧村人世業農邦彥生而右臂屈不伸然穎慧好學甫成童卽喜觀先正格言談忠孝故事龔文熙見而奇之錄爲弟子未幾補崑庠生旋食餼乙酉登拔萃科未朝考丁母艱服闋補試授八旗官

學漢教習既而屢躋省闈取宋五子書深究之曰古人之學求在我者也遂絕意進取一以古聖賢自砥礪嘗手書柏廬朱氏媿訥集節脩脯以刊之鄉先賢朱集璜墓在邑沙葛邨爲土人侵佔脩復之佃農有死喪免其租有貸金十年而息未償者還其券居親喪一遵古禮酒肉不入口者三年與弟友愛教子有義課及門必舉先正格言以誨之言笑不苟貌清癯如枯禪老衲敝袍穿履終身安之非分內事悉不與聞辛亥後閉戶謝客絕跡不入城市長齋奉佛了然於生死之故人或嘲之曰我非佞佛也逃於禪耳卒之日遠近會弔者甚眾年六十七同時有蔣兆麤者字蘊純世居強巷村去邦彥

所居地甚近早孤力學弱冠游庠旋食餼喜讀儒先書事母能盡色養撫孤姪有恩規勸季父仲兄過失語婉而意摯又能急人之難以任俠自喜服膺邦彥之爲人而後師事之爲校官徐嘉稱許宣統元年以疾卒年三十三遺語十條近於先儒語錄於鄉先正潘道根著述尤爲服膺歿後家人於其枕中得楷書文文山正氣歌一篇可以知所趨向矣又有吳龍章者字翰城諸生穎敏好學亦喜讀儒先書世居城內父母以生齒日繁令挈妻子就館於郡龍章時歸定省不廢子職辛亥之變居危城中與二三知己吟咏自得得潘道根日記爲編年譜未成而卒卒時年三十有五歲丙辰正月十一日

也嘗手錄潘道根文稿爲三稿合鈔存於家自著詩文稿俱散佚

補遺

宋

姜希業字可大祖輒唐中宗朝以功封扶陽郡王父某官虞城令希業虞城長子也勳門世胄一洗俗染孳孳好學克守先業五代時以薦仕吳越爲觀察巡官恬於仕進遂以秘書郎休致宋乾德六年卒於姜里邨之私第

甫里淞南兩志

陳脩家淞南漳潭父穆高隱弗仕於孝宗朝官武節郎配郁封安人家素饒裕嘗于所居宅後構別業一區水竹

崑新兩縣續補合志

卷十三

隱逸補遺

三

寬潔亭館宏麗日與知名士流連觴咏其中東浦黃簡爲之記知崑山縣事徐聞詩爲之書子珪官武略大夫江南東路副都監珪雖以武功顯亦有園亭竹木之好與石湖居士范成大友善別業之北復闢地築亭榭爲遊憩地名之曰北園范成大書額載入邑志淞南志黃聰字孟謀家貧好學博覽強記治平初以鄉貢進士謁選得仁縣尉病足罷歸益潛心問學貫遊至崑山不輕通一刺屋做不蔽風雨讀書談道以終潘氏朱志補

元

鄭元祐字明德號庸齋從石門復居吳中徵授平江路儒學教授除江浙儒學提學歸隱婁涇顏草堂日研雲著

有清談雅韻遂昌山樵雜錄南廬集凡三卷

潘道根
邑志補

瞿智初名榮智字慧夫元末徙沙溪築室顏曰墨莊著有

睿夫集沙溪
詩存

明

鄭子華字彥實文祐子博涉經史潛脩養晦至元辛卯平

江路總管高履辟為文學書院山長力辭不就洪武初

薦舉潛德終不願仕以樂志名亭積書數千卷手自校

閱有樂志集五卷生至治三年卒永樂元年年八十一

河南按察司使僉事呂旦立傳瑞州司訓黃雲著傳贊

娶姚氏野航先生奩女葬馬鞍山西麓陝西按察使王

英撰誌銘子二忠恕潘氏朱
志補

崑新兩縣續補志 卷十三 隱逸補遺 四

周宰字致和曾祖進學祖強父仲名值元季隱晦而歿母

吳繼陸宰早事吳晚事陸事陸如事吳陸亦愛如已出

宰自幼樹立劇知稼穡艱苦平生以儉為德計口而田

度身而蠶二者取足不以贏繼仲名之世土田不加增

屋廬不加飾知足者是之量能容物嘗有盜十餘夜入

其室家人從隙識其一明發告宰宰曰渠損我可惡聞

官則死矣吾亡者物彼存者命物與命孰重卒寢其事

景泰三年卒年五十八子泰見前志鄭文康
墓志銘

孫惠字志德家磧溪永樂乙酉吳中大水仁廟在東宮命

戶部以蘇松嘉湖四大府糧長可備顧問者各一人來

京惠以處士應召見時具以實對詔免四府租稅邑令

芮翀被誣繫獄惠卒耆老詣闕訟寃其詞甚懇翀得釋還任惠能詩于書法尤精嘗以工楷書膺薦至郡以母

老辭免

潘氏朱志補

周賢字思齊永樂閒詔脩大典以善書徵辭以母老隱居

樂志而卒浚儀趙永言誌其墓言有陶宏景風時號惠

齋先生

潘氏朱志補

陸元泰字長卿先世故宋進士以貴雄一邑至元泰不求

顯達而專志書史家聲不墜焉

菽園雜記

陳轍字守之號賓湖棲心隱遯好植花竹歸有光嘗序其

行謂有高隱之致

潘氏朱志補

魏珏字守極居邑之昆承湖貌寢口訥能為詩邑令方豪

崑新兩縣續補合志

卷十三

隱逸補遺

五

以公事來湖上曾題其集

潘氏朱志補

馬致遠字驥材號文石曾祖昂祖絢改名用字大用號松

石由太學授興府良醫天性至孝能周急濟乏築園亭

以自娛父淵字子淵號圓默太學生志尚高潔超絕凡

伍與唐寅文徵明輩為莫逆交致遠嘉靖乙卯舉人性

喜閒散不樂仕進家故有園亭之勝日與朋儕觴咏其

中不知戶外事子玉駢字儀右太學生玉驄字仲房縣

學生俱以文名

許志稿

邱前山以字行家秦望山麓故自號前山田產第舍甲於

東南而恂恂自下苦約如不足性好客四方士大夫過

其廬者輒流連信宿行必出縑以贈有座上客常滿樽

中酒不空遺意年五十卽不問家人生產日之舍西延福寺與緇素之流啜茗清譚對花拈韻以寄其高曠之志嘗曰人生百年之內無可竟之事終於馳騫而不知止亦見其愚而已矣歸太僕有光嘗採其言爲前山壽序以志其爲人云

崧南志

邱孫登字安宇家千墩里性疆敏精法律之學天啟中爲膠邑鹽曹從事以最授石盤衛經歷尋主天台縣簿釐剔弊孔民無遁隱監司敘其牘曰廉慎精勤又曰砥礪自嚴考上將進秩以疾告歸築別業於秦望山下蒔花植竹日與鄉老輩銜觴話舊以娛其老焉時所親何中丞謙徐太僕應聘後先向用或勸登復出可藉援引登

崧新兩縣續補志

卷十三

隱逸補遺

六

笑曰吾昂藏七尺豈因人熱者耶且子髮已種種矣復折腰於升斗柴桑主人有知應笑吾於五柳間也竟老秦望山下子園字君御太學生

崧南志

朱晉英自金家莊徙居古梅花地少爲諸生後以事去籍乃於梅花故址鑿池通流編籬藝竹雜植梅花數十株對花飲酒以老其年執守正道與世鮮合浙僧五岳來淞講說大乘聽者雲集且日趺坐梅花下令廣畚福田以祈嗣卽大聲叱之曰此特異端借徑說法耳吾道寧有是耶馳入花叢不顧家故僥終以無子廢其家云

崧南志

周鑑字明遠世居吳橋里家貧所居僅半椽木榻土竈外

無長物日味齋鹽炊煙常息苦志勤學風雨不輟其業
以諸生領崇禎庚午鄉薦屢試春官輒遭按劍國變後
不復入試退隱淞濱息機屏處寄情詩酒以終其年南淞
志

陸世鑰字兆魚號汝萊與世鑿號止庵者同出於琪六傳
至用中字伯衡用中夢躍鯉之祥生世鑰故原名鯉後
更世鑰六歲而孤賴從父守中字幼衡保持之十三游
成均卽馳聲賢豪間有古烈士風遇不平事輒挺身爲
白不避嫌怨崇禎末當事檄公團練義勇世鑰卽以保
衛鄉里爲已任乙酉夏五月江南底定江上諸將守義
不屈者率兵入海世鑰乃毀家具餉立寨陳湖中與海

崑新兩縣續補志

卷十三

隱逸補遺

七

上諸軍遙相策應志謀恢復六月薙髮令下民益恐閏
月十二世鑰軍乘夜攻蘇城斬門而入燒鎮帥及新設
巡撫官署鎮帥等倉卒欲棄去會有導之者乃復戰卒
以孤軍無繼敗其時我崑方謀捍禦備戰守之具世鑰
欲以徒眾五百入城助守事未就而城陷世鑰從弟世
鏗死之世鑰知事不可爲乃棄家匿跡爲僧號靜脩順
治戊子四月在南灣村之某僧寺作辭世偈而逝所著

有夢餘存草

吳榆哭外舅陸先生十韻草莽留臣節如公復幾人破家思報漢蹈海不稱秦抱志

甘薇蕨藏名晦水濱三年時潸淚一病獨傷神未展南陽略先歸蒿里身丹心終訴帝白骨更依親後命無私事遺書謚逸民五男同蓼苦十日共酸辛正士爲麟泣僉夫尚犬唁昊天須有意終得慰荒榛陳再錫過陸汝萊墓詩義瞻高懸日月同豈因成敗論英雄丈夫意氣香留骨故國山河夢亦忠紫塞寒笳悲夜月白楊古塚

泣西風偶從草際看殘褐青史誰能不紀公世鑿哭汝
萊弟詩今日猶傳正氣歌浩然長借壯山河黃冠不死
文丞相銅柱應標馬伏波處士寸心荒草碣頑民
千載首陽阿臨風無限興亡恨溼盡青衫血淚多

孫俊字叔英其先由華亭徙居崑山澱河之陽父志德號

映雪翁俊性敦樸不慕勢利嗜古讀書尤工於詩嘗從

范中能遊晚築草堂於磧溪之南與鄉老日觴咏其中

自號南溪逸叟所著有南溪草堂集葉文莊盛為之序

康葉志補

石璞字元素號蕉庵性蕭散不羈翛然塵外居大瀟浦東

清溪茂樹映帶茅屋課子孫耕植其閒以自老尤善吟

咏所著甚多關民風裨世教者晚年喜畫山水竹石筆

致閒放非俗工可及年八十八卒

崑新兩縣續志

卷十三

隱逸補遺

八

戚軒字宗軾杜門教授築杏林書屋以居竹爐瓦燈簾幃

楚楚賦詩簡淡真至有陶韋之風與張敬庵翼為莫逆

交據葉志補

邱萬垓字開遠世居長洲沙河之夷林山有耕讀先生者

多隱操至萬垓始遷崑山為崑庠生萬垓豁達有大志

幼就外傳即有讀書學為聖賢語然生當明季見時事

日非年未四十即去儒冠家無旦夕儲翛然自得見

戚友鄰舊之困乏者惻然太息苟有升斗必分給之其

子鍾仁兄弟皆自課有成其說一本於聖賢大道與朱

集璜交最善因令鍾仁師事之既而先世葬事俱畢謂

鍾仁曰我今於世無事但安靜以觀天地之化惟願爾

曹讀書明理爲賢者卽不負吾志或鍾仁試有司不利則曰當求其遠者大者所望爾曹不在此也年六十八有司行鄉飲酒禮推舉大賓人咸以爲無忝云以七十二卒卒之前取小像自題曰人能繪我形耳能繪我心乎心甚坦性甚直不習詐僞不事浮飾聲色非我有貨利亦不殖處貧惟守已硯耕期盡職所可媿者讀聖賢書不能深探理奧而躬行夫道德將何以慰先志于九泉貽後人之燕翼雖念深慈惻曷能布一德施仁以自力然竊有志於聖人之安懷其誰識蓋其資稟高故不局趨向正故外誘不能移所以早離世網成其潛確之學也門人私謚之曰尙志先生

據葉志補

國朝

周應號澹城與陶炎友善家貧力學以儒者自任事母至孝生盡養歿盡哀南都已陷先是託迹頭陀旣終喪遂

棄居而爲僧朱用純有贊

潘氏朱志補

葉廷桂文莊公盛裔明末披緇雲遊常寓嘉定之清涼庵行笈蕭然未幾浮入閩不知所終

潘氏朱志補

戴穎昉字普貫號濤侯明吳庠生文光第三子先世由休甯遷甫里明季補崑山諸生與管鴻馬萬輩結五子社吳下名士咸與之遊賞梅序云一生有朋友摯有山水緣有讀書淫有法帖名畫癖鷗鳧可狎而鸞鳳亦不見拒者濤侯也晚皈卽中師名受會所製僅存芙蓉樓詩

草性命叢譚生萬厯乙卯卒於康熙丁巳年六十三錢
午莊葺其稿未竟而歿詩存小傳

管鴻字公遠一字飛卿號雪民甫里人家貧好學兼通釋
典潔斗焚香靜坐客至談娓娓每借禪語引人於善初
善畫工山水年五十始爲詩入五子社嘗寓嘉定南翔
白鶴寺食貧終身年八十七卒稿失傳崑山詩存參甫里志稿

朱以甯字建侯自號雲仙子家淞南秀王莊曾習諸生業
以事謝去高隱淞濱硯耕以食殫心著述至老不輟與
同里張晉共矢肥遯晉築小閣日與以甯吟嘯其中唱
和詩盈帙著有隴韶集若干卷淞南志

周鐸字漢仙家吳橋明參政大禮之後矢志高潔風致邈

崑新兩縣續補志

卷十三

隱逸補遺

十

然幼入官校超上舍國步旣改棄去不復試高隱玉溪
築圃舍後曰學圃軒藝梅繞其旁幅巾深衣日扶杖往
來疏枝瘦影閒拈韻微吟逍遙世外與金孝章歸元恭
諸高士爲詩社友唱和無虛日有學圃軒詩集若干卷
寫懷云煙霞欲託伴樵夫試問青山許我乎離黍興嗟
今過半親朋識面舊將無肝腸似雪空彈鋏意氣如虹
付唾壺榮辱不從茅屋側但憑牛馬是人呼漫興云秋
風蕭瑟似當年漫憶吳歌續採蓮忍與心違惟白髮怕
隨時換只青瓊飢來羞熱因人火隱去慚無負郭田何
日五湖堪自適青衫一葉釣寒煙又鶴可爲孥還破寂
石堪拜友不嫌頑酒排旅思心難醉詩敵愁魔句益雄

心靜一泓湘水月神清萬頃玉壺冰鶴到烹時翎自潔
琴從碎處調愈傳其佳句也既老與栢堂竹白諸上人
結方外交寄情禪悅以終其年

淞南志

莊雅字晏如少負奇氣後流寓嘉定賣卜自給好吟咏野
服黃冠時與山野畸人相唱和

嘉定志

余玉水字方濤爲諸生能以文章壓其儕偶性豪宕不羈
頗娛聲色讀書虎丘山房悅妓者張四孃千金購貯別
業已不樂家居西泝江湘南踰嶺嶠歷覽山川以寄其
志愛洞庭林屋之勝僦館莫釐峯下拈韻微吟蕭然自
得也旁通釋老二學居西山與諸方外士日究長年久
視之術又結華嚴社於慧印庵晨夕展禮弗倦復請當

崑新兩縣續補合志

卷十三

隱逸補遺

十一

事改尚書浦爲放生湖勒石永禁漁者卒年六十一子
四之挺字開皇之埴字曉如俱邑庠生之墀字丹六之
階字雲步俱太學生

淞南志

浦鷗字浪臣號隱農僑居嘉定黃渡中年始學筆力豪放
陸隴其卒鷗汲吳淞江之六泉走至其家哭而奠之曰
我公在嘉惟飲此水也著有老安堂詩

崑山詩存

張昉字朗初先世嘉定人大父名由遷邑安亭父孝瑗亦
能詩昉幼承家學同里朱樵創東岡詩社延太倉陳瑚
邑人諸士儼爲主盟昉偕從子瑛並入社嘗廢產梓其
祖父詩行世生平喜潔嗜茶自號耐庵無子年八十餘

卒

崑山詩存

顧巖字大雲明諸生蘭服子少入太學作落花詩百首傳誦輦下既試不遇歷遊閩楚兩粵從兄炎武卒與從子洪慎自曲沃扶喪歸葬所著甚夥妹婿徐昂發嘗爲序

其稿

崑山詩存

李稷臣字粒民亦姓魏明光祿寺丞庠五世孫明季補諸生少師事呼谷順治中嘗入都主宋獻策家記獻策事甚詳以奏銷註誤家居授徒嘗作陳伯調傳敘毀顧相秉謙坊事同邑徐元文爲祭酒時稷臣詒劄略云成均爲天下根本今捐納雖未可止宜加考試示以優劣如昔年六堂故事則士在太學不至散漫無等而銓法亦可因此定矣其交友切直如此

崑山詩存

崑新兩縣續補合志

卷十三

隱逸補遺

十三

葉方亨字天衢明吏部左侍郎盛七世孫幼孤事母孝爲兄方藹所器重贅婿星溪李氏不樂仕進授徒自給蔡方炳嘗贈以詩有雨露春滋培百士江湖余樂傲諸兄之句

崑山詩存

黃世瀚字岳甲偉幹豐頤綽有雅度少居王家衙操計然術晚工詩其詠懷云花明疑驟富酒竭乃真貧除夕云年例濫收惟柏子春光先報有梅花自述云世味久嘗雞肋耳人生才悔馬蹄然俱清鏘可誦後中康熙二十六年丁卯科武舉後遷城子龍邑庠生館於生田王之醇家與沈德潛友善

茶溪志

戴虞皋字性公號遁軒諸生力學敦內行有弟早亡撫姪

如已子又嘗經紀其師之喪而成立其孤所居在姜巷
有湖波雲樹之勝哀集羣書杜門探索以著述自娛年
八十餘卒子孫貽字燕謀郡學生肄業太學以親老不
仕而歸許志稿

耆碩

王慶銓字彥掄號驥衢有夙慧兩應童子試未獲雋卽棄
舉業以書自娛工吟咏家故裕邑中諸善舉悉量割膏
腴以充經費道光己酉水災倡捐助賑全活甚眾有故
人子爲賊擄出金贖之弱冠時卽承先志建宗祠遇族
人尤厚經洪楊亂喜談刦前事與邑中掌故娓娓不倦
年逾七十母猶健在孺慕益篤及邁母喪已老病頽唐

崑新兩縣續補合志

卷十三

隱逸補遺

三

猶服衰麻匍匐踵親友門拜謝守禮不變古道可風踰

月遂卒年七十六

王直湘稿

顧榜花號青來道光甲辰舉人之楷子少受庭訓勵志劬
學入邑庠性和厚敦孝行父患瘧證侍湯藥維謹及歿
哀毀幾滅性粵寇平後當道延辦善後局文案兼餉捐
事丁卯秋試薦而未售嗣是歷董敦善闡費文會義學
諸堂局暨邑中善舉如積穀發賑濬河保甲築圩岸撫
流氓等務遇事謙退士論多之年七十卒

王直湘稿

李德聚字凝卿太學生少孤性純和道光二十九年大水
時年僅二十一辦理荒政勸捐施粥同治三年辦田捐
潔身自愛措置裕如是年冬各大吏議酌徵田賦邑令

依克機善與商德聚具言民困未蘇狀邑令如其言詳復議遂罷民咸感之四年疏浚瀏河德聚與其事冒雪督工人以爲難光緒十五年江浙水災邑令馮壽鏡委募賑捐明年築圩岸濬市河德聚董其役庠生余國楨副之時年已五十餘遇公事勤勉如年少時卒年六十

九余樹蓉稿

杜鴻緒字偉卿自號匏隱居士少孤賴母陳守節撫育成
立性至孝善詩文工書法幼時學率更書頗得神似後
益肆力於晉唐法帖而於王右軍顏魯公兩家臨摹不
倦雖年逾七十每日晨起必臨池習字未嘗稍輟故書
名噪一時求之者恆踵相接庚申之變崑城淪陷鴻緒

崑新兩縣續補合志

卷十三

耆碩

志

奉母避難於鄉雖亂離中旨甘無或缺母疾篤醫藥罔效因割臂肉以進母病旋愈東湖王定安名士也來宰崑邑與結文字交詩詞投贈無虛日時新令巴江廖綸以書法擅名一見卽相契合廖侯倣呂氏藍田鄉約集士紳於知止山房每朔望各出日記相質證與徐家疇李清藻等以道義相切劇所作詩古文辭大半散佚今存者惟匏隱小草一集爲避難時作卒年七十五

王直湘朱文標兩稿

余垚字半村恬淡寡欲誠樸謙和望而知爲忠厚長者卒年八十有六

王兆寬字夢章號蔭槐改名逢源崑庠諸生性伉直好談

兵著有讀史志略等書以見志值洪楊大亂賊踞城避於鄉母卒兆寬與弟兆鰲扶柩歸葬車塘賊鋒已逼幾及於難時兆寬年已逾艾持服三年一遵古禮尤篤於宗誼近支有無嗣者分命諸孫後之復捐置義田以贍族戚族子弟貧無依者咸飲食教誨之亂後經理邑中善後事人皆服其精覈自奉儉約終其身不御新衣不喜珍玩光緒辛卯卒年八十八

朱紹成朱兆蘭兩傳

許鉉字惟寅張浦人性敦謹喜吟咏不事帖括學以布衣終燕居常著制服戶外事悉不問歲惟祭掃一出鮮有見其面者故交友絕少年八十餘卒著有綠杉野屋詩集六卷弟塋字西山亦能詩有西山贖稿一卷

王鼎稿

崑新兩縣續補合志

卷十三

耆碩

五

陶懷號小琴世爲夏溪望族少穎悟讀書過目不忘父銓工畫懷幼承家學戲繪冊頁父戒以雕蟲小技非所宜習於是專務帖括顧屢躓場屋兵燹後設館授徒從遊者輒入泮食餼以去同治四年宜學使案臨羣勸就試遂獲雋後絕意進取子文潞已卯武舉人卒年七十七

蔣泰異稿

附傳

王自新字志大號滌夫新庠廩生性行醇謹藹然忠厚長者工制藝兵燹後從學甚眾多見取於學使者同治間新令廖綸於朱孝定祠講呂氏鄉約孳求理學自新與焉所著務敏日記三卷多闡發經義切於身心嘗與邑

中耆宿徐家疇朱昌穀輩相切劘詣益粹晚年食餼遽

卒士論惜之

朱文標王直湘兩稿

吳鈺文字仲欽號介軒映辰曾孫少劬學從邑名宿游郡縣試屢列前茅以數奇未獲一矜旋棄舉業入貲爲國子監生洪楊之役避居石牌鎮猝與賊遇被執脅之降慘毒備至終不屈翌晨挾之西行鈺文頓足大罵賊怒出利刃刺其頸血湧遂仆移時又有羣賊至矛搨十餘創氣垂絕久之乃甦時同治壬戌三月十六日也性友愛昆季析產讓多取寡教子嚴督課不少貸每舉張敦復讀書守田積德擇交四語爲律身訓子之良規及陸梭山量入爲出之法爲持家簡要可久之道又嘗輯刊

崑新兩縣續補合志

卷十三

耆碩附傳

六

捷報錄一書具載福善禍淫之理以勸世自奉極儉約

郵貧周急無吝色晚歲多病杜門息影不與世事宣統

元年卒年六十七

王直湘稿摘吳氏行狀

周蔭庭字世臣井亭鄉鄭家港人秉性誠厚力田讀書遇有貧困急難者必代爲之謀好爲人解紛以美鬚髯故里人皆稱爲鬚老相訓子有義方子若孫以膂力著相繼入武庠光緒二十六年卒年九十三

陸文明稿

陸仁龍字少唐世居安亭天覆庵布衣教授言笑不苟俗尚鬼往往爲巫覡所愚仁龍申明幽明之理邪正之分竭誠開導其風稍息民有好勇鬪狠者排解之咸懾服凡有益于鄉有便于民悉勉爲之閒治方書爲人醫多

奇效所著有鴨闌詩鈔年八十三

黃一鳴顧振岳兩稿

榮大鉉字慎齋武生庚申之亂大鉉避難石牌與把總許

錫昌集鄉團禦賊以勇聞寇平返北門外故居光緒乙

未重遊泮宮學使龍湛霖給永錫洪算匾額卒年九十

一子恩澍字松濤武生性純謹有父風善地理先大鉉

卒年六十五孫國樑字震伯武生恂恂儒雅精女科好

義北門外城橋就圯國樑多方籌募并自捐錢五十餘

千修理之橋賴以全卒年六十

唐貞廉稿

補遺

明

馬杲字孟輝號怡晚勗孫樂善好義與兄景昂稱難兄弟

崑新兩縣續補合志

卷十三

耆碩附傳

七

贅白田楊氏見窘於舅毅然而出夫婦不持一錢客江

湖間數年致貲鉅萬馬氏之族由是益大然性不尚華

飾終身草履布袍而已年九十三卒子綬

馬氏譜

曹達卿號古民隱居婁之西渚禮義悅心不求聞達年七

十三而耳目聰明有三子能順適其意王文恪鑿有贈

詩

潘氏朱志補

朱瑄字德敬號敬齋少受學於鄭文康會縣選鄉塾子弟

補吏員瑄在列自請願卒學邑令試以文奇之遂補諸

生七舉於鄉皆不售成化七年貢禮部試入高等不樂

從仕告受冠帶歸居恆靜默雖處稠人廣坐笑言簡寡

嘗製一裘衣三十餘年終其身不見垢敝閒與諸名士

結斯文會月一再集飲酒賦詩以老年七十七微疾而

卒顧鼎臣墓誌銘

馬淮字子洪號脩亭綬子高才絕學數奇不第以例補海

南主簿轉邵武府知事偃蹇不耐五斗致政歸徜徉詩

酒蕭然物外年七十八卒私謚貞孝先生子龍光字負

圖號夢澤工詩翰能文章官雲南永昌府照磨轉四川

夔州府經歷以惠政著年六十三卒孫玉麟已有傳馬氏譜

譜

陸迪字從吉號愛日少遊魏恭簡公之門端方孝友著于

鄉黨甫里志

金夢祥字問川諸生讀書喜涉獵為人以古道自持言論

崑新兩縣續補合志

卷十三

耆碩補遺

六

侃侃令人起敬晚年屏居一室補輯甫里志文獻賴以

不佚許志稿

龔雲鴻字振衢世居淞南王巷萬曆戊子歲補府學生謹

言飭行動以古道自持東南人士言德行者咸斂衽推

振衢先生邑宰高其行誼舉鄉飲賓子文模字元範縣

學生敦行孝弟能守家風亦以碩望薦與賓席父子兩

世皆以能文列名泮宮以耆行躬膺大典里黨榮之淞南志

志

顧同德字伯念父宮贊紹芳少為邑庠生有庭聞小述名

言十則置几案造次不忘為人坦直和易篤於孝友以

父講幄恩當得蔭讓其弟同應又從弟同吉病歿無子

產頗饒富當以同德子為後謝弗立讓同應次子炎武
晚年超然物外自號無念居士舉鄉飲大賓子二緝字
元熙府庠廩生維字中隅邑庠生乙酉難歿

志 崧南

國朝

顧蕙字倫表號百樹自少從徐司寇健庵公旅食京師補
太學生善詩古文書法秀媚徐公總脩明史檄蕙從事
參酌古今纂削悉當同館姜西銘宸英聲著宇內見蕙
恆嘉與之史局事竣論功書績授楚武陵縣丞復丞粵
之增城兩任邊徼獐獠雜處一鎮以靜隨俗佐治居官
清慎不肯少自封殖以解餉註誤垂橐還吳歸無家資
館穀以自老年八十製自壽八章錄其二曰滄桑閱歷

崧新兩縣續補呈

卷十三

耆碩補遺

九

幾屯遭虛擲光陰幾百年駿馬倒來留老驥

子兆雷 慧而殤 圃

田蕩盡及殘瓊筋骸早被蚍蜉嘜行役常偕獐獠眠

兩任

楚粵 邊徼 賸得閒身談往事備嘗險阻也仙仙 滄桑閱歷

幾屯遭把玩遺編足暮年楊子玄亭辭問字

寄食族弟 厚甫誨其

姪王家故物任偷瓊卷中漁獵惟匡坐枕上雲山可對

眠勉強加餐老尚健不求參朮冀神仙

志 崧南

俞子義字和卿號存畊明諸生孝親廬墓夫婦齊眉年八

十九卒

浦里 志

葛太樸字聲蜀號山民少補青浦縣諸生大父膳父雲薛
時同邑朱用純以理學倡導太樸親炙其門當湖陸隴
其林居講學扁舟往謁精星歷自云壽僅周甲而逾古

稀由潛脩頤養所致著有西爽樓詩集

崑山詩存

蔡廷傑字公旦諸生敦行力學教授里中兢兢以挽靡風

為己任年七十一卒門人私謚恭定先生子瓏

許氏志稿

周永淇字誠羨祖瑤父琪枝俱以積善稱永淇承父教事

親務得歡心與弟永泗同居共食終其身無閒言為人

寡慾好持義訓其子弟娓娓不倦康熙間舉鄉飲賓年

七十三卒子樵字隆吉廩膳生潛心經史發憤下帷嘗

獨居小樓三年不下以文自雄兼工書嚴禹沛蕭龍江

皆其門下士也

許氏志稿

胡樹勳字敬旃號忍庵監生候選縣丞蓬閬鎮人精醫理

好善樂施病者貧不受饋並助以藥夏月每煮茶給行

崑新兩縣續補合志

卷十三

耆碩補遺

三

人并建亭道旁掘井其下晚年戒殺放生習導引服氣

之術年七十有八卒

崑山詩存

吳樹惠字滋大號玉儕新陽歲貢生貌樸野生平以古道

自持善隸書客授鴨脚浜巴城諸處年垂七十卒

崑山詩存

曹斌字彙書諸生性嚴整絕不與外事居家惟以儉勤訓

子弟嘗曰一日不儉勤而致空匱飢寒交迫悔無及矣

生平詩不多作興到自吟自咏亦不以告人也舉鄉飲

賓辭不赴年七十卒

許氏志稿

曹榕字賡良號恂愚新陽縣學生授徒養親能為孺子歡

性沈毅好繩墨人人亦以此憚之讀書砥行有古人風

會里中議建節孝總祠榕竭力贊成募銀田若干為經

畫善後計又承父志積脩脯貲爲祖母旌節年七十九卒

許志稿

吳星曙字彤翰崑庠生元和人父繼聲長庠增生早卒喪葬盡禮事孀母備極孝敬親族以緩急告曲爲闕恤兼精岐黃術卒年七十三歲

甫里志

包际字叔明號宜亭崑山籍鄉飲賓性孝友與人無町畦嘗以德報德自念弗以儒顯嚴課其子邠竟登鄉薦

甫里志

邵雲從字芝田早歲應童試既入殼以詩語有疵被斥發憤取古名家稿徧讀之終身不厯場屋家邑之強巷年

逾七十吟咏不輟著有抱樸吟草多晚年作

崑山詩存

崑新兩縣續補合志

卷十三

耆碩補遺

三

周秉鑑字顯光號易安少業沽無貿易陋習與人交能苦口責善喜吟咏暇則與同里馬大楷曹榕陳心鏡高衡輩論文酬倡嘗慮國初以來里中詩人輩出遺稿淪亡搜羅七十餘家印成甫里逸詩嘗自課諸孫不甚督責謂人各自有其天猶樗之不能爲材而幽蘭之不能不芳也晚年善頤養年八十四肅衣冠端坐而卒

許志稿

潘焯字載衡號毅亭崑山縣學生性廉介不求名於時日手一編與從兄炳探索討論爲樂嘗輯家譜語族人日子孫賢無祿位族雖衰猶盛也子孫不賢族雖盛猶衰也其立志勵行如此炳字振英號菊懷郡學附貢生年七十八卒

許志稿

崑新兩縣續補合志卷十三

崑新兩縣續補合志

卷十三

耆碩補遺

三